

մուհաֆիզույան օրոք կազմված էլից և մտից (իրադաթ վե մասարիֆ) ղեֆթերը օսմանյան օկուպացիոն իշխանութիւնների՝ նվաճված երկրամասերում վարած հարկային քաղաքականութեան հարստահարիչ բնույթը բացահայտող եզակի մի փաստաթուղթ է, որը, միաժամանակ, շարադրված լինելով վարչական ապարատում հարյուրամյակներ ի վեր կիրառվող հաշվապահական սկզբունքներով, կայսրութեան վարչատնտեսական համակարգի ուսումնասիրութեան առավել հավաստի սկզբնաղբյուրների շարքը կարող է դասվել:

Նույնքան բովանդակալից և խոսուն են նաև 1730-ական թթ. մուկաթիայի ղեֆթերներն ու հարկերի հատուցմանը վերաբերող մյուս պաշտոնական վավերագրերը, որոնց մեջ ավելի մանրամասն են արձանագրված Արարատյան երկրի գյուղական համայնքներից գանձվող բնամթերքների բանակն ու դրանց դրամական համարժեքները: Ուշագրավ տվյալներ են հաղորդված հատկապես Ուշրիխայի (Վաղարշապատ), Քանաքեռի, Բջնիի, Աբգականի, Ջազավանքի, Ասինջի, Արգնիի, Գլամբիզի, Ճաթղուանի, Սամաղարի, Աղավնատան, Նաղրևանի, Գյուգ-գյումբեթի, Դաննիի, Չոլմագչիի (Նոբք), Նորագեղի, Շենգավիթի, Կարպիի, Սաֆիարագի, Մուլաբայագի, Բաթոնջի, Ելզովանի, Արալզի, Ակոու, Խաչափարաիի, Հաջի-իլյագի, Մեհմանդարի, Ջանֆիդայի, Ջաֆարաբաղի (Արգավանդ), Հաջի-բեկուի, Ղամարուի (Արտաշատ), Դավալուի (Արարատ), Խոյլասարի, Եղվարդի, Դվինի և բազմաթիվ այլ մեծ ու փոքր գյուղերի համայնքների վրա դրված հարկային պարտավորութիւնների մասին:

Կասկածից դուրս է, որ խնդրո առարկա վավերագրերի ճշգրիտ վերծանված գիտական քննադրերի և դրանց թարգմանութիւնների՝ անհրաժեշտ ծանոթագրութիւններով օժտված հրատարակումները, մեծ չափով կարող են նպաստել նշված ժամանակաշրջանի և՛ սոցիալ-տնտեսական, և՛ քաղաքական պատմութեան առավել հանգամանալից հետազոտութեան կարոտ էական հարցերի լուսարանմանը: Այդպիսի աշխատանքներ արդեն իսկ նախատեսված են Մաշտոցի անվան Մատենադարանի առաջիկա տարիների գիտահետազոտական պլաններում:

Գիտական ավելի լայն շոջանակներին մատչելի դարձնելու նպատակով ստորև աղբյուրադեռ-պատմաբանների ուշադրութեան ենք ներկայացնում, մեզ արդեն ծանոթ, Երևանի բերդի 1724—1725 թթ. մուկաթիաների Արբունի ղեկնիին ներկայացված էլից և մտից ղեֆթերի թուրքերեն բնագրի լիակատար վերծանութիւնն ու հայերեն թարգմանութիւնը: Կից արվում է նաև վավերագրի նմանահանութիւնը, որը մի բանի անգամ փոքրացված լինելու պատճառով, առավել դժվարընթեռնելի լինելով հանդերձ, կարող է օգնել որոշակի գաղափար կազմելու այս կարգի հաշվետվութիւնների և օսմանյան պետական գրասենյակային հաշվապահական համակարգի մասին:

Պատմ. գիտ. դոկտոր Հ. Գ. ՓԱՓԱՉՅԱՆ

Մ ա տ յ ա ն

1137 և 1138 թթ. վերաբերող Երևանի մուկաթիաների

Երևանի մուհաֆիզ, մեծարգո Ռաջաբ փաշայի ծանուցմամբ, որ համապատասխանում է Երևանի ուղղնամչի Մուհամադ [էֆենդիի] և ղեֆթերգար Սուլեյման էֆենդիի [գորանցումներին] և գերագույն հրամանագրի բովանդակութեանը:

1139 թ. սաբի I մասի 12-ին (1726 թ. նոյեմբերի 7)

1137 թ. վերաբերող Երևանի մուկաթիաների եկամուտները նախորդ մուհաֆիզ մեծարգո վեզիր Անմադ փաշայի օրոք՝

Կըրխբուլաղի նահիայի մուկաթիան՝	9500 աուլուծով զլոտա
Կարպիի նահիայի մուկաթիան՝	7000 »
Գառնիի նահիայի մուկաթիան՝	7700 »
Շարուրի նահիայի մուկաթիան՝	15000 »
Սուրմալուի և Արալզի նահիայի մուկաթիան՝	5400 »
Կողբի աղահանքերի մուկաթիան՝	6000 »
Դարաշիշագի մուկաթիան՝	1500 »